

全唐詩第一函

第十冊

楊炯 一卷

宋之問 三卷

崔湜

崔液

崔滌 共一卷

全唐詩

楊炯

楊炯華陰人幼聰敏博學善屬文年十一舉神童授校書郎爲崇文館學士遷詹事司直恃才簡倨人不容之武后時左轉梓州司法叅軍秩滿遷婺州盈川令卒於官中宗卽位以舊僚贈著作郎炯聞時人以四傑稱乃自言曰吾愧在盧前恥居王後張說曰楊盈川文思如懸河注水酌之不竭旣優於盧亦不減王也有盈川集三十卷今存詩一卷

奉和上元酺宴應詔

甲乙遇災年周隋送上弦

一作妖

星六丈出沴氣七重懸

赤縣空無主。蒼生欲問天。龜龍開寶命。雲火昭靈慶。萬
物覩真人。千秋逢聖政。祖宗立澤遠。文武休光盛。大號
域中平。皇威天下驚。參辰昭文物。宇宙浹聲名。漢后三
章令。周王五伐兵。匈奴窮地角。本自遠正朔。驕子起天
街。由來虧禮樂。一衣掃風雨。再戰夷屯糾。清明日月旦。
蕭索煙雲。寒暑既平分。陰陽復貞觀。惟神諧妙物。乃
聖符幽贊。下武發禎祥。平階屬會昌。金泥封日觀。璧水
匝明堂。業盛勲華德。與作包天地。皇孝思義罔極。易禮
光前式。天煥三辰輝。靈書五雲色。敬時窮發斂。卜代盈
千億。五緯聚華軒。重光入望園。公卿論至道。天子拜昌
言。雷解初開出。星空即便元。瑤臺涼景薦。銀闕秋陰遍。

百戲騁魚龍。千門壯宮殿。深仁洽蠻徼。一作愷樂周寰縣。
宣室召羣臣。明庭禮百神。仰德還符日。霈恩更似春。襄
城非牧豎。楚國有巴人。

廣溪峽

廣溪三峽首。曠望兼川陸。山路遶羊腸。江城鎮魚腹。喬
林百丈偃。飛水千尋瀑。驚浪回高天。盤渦轉深谷。漢氏
昔云季。中原爭逐鹿。天下有英雄。襄陽有龍伏。常山集
軍旅。永安興版築。池臺忽已傾。邦家遽淪覆。庸才若劉
禪。忠佐爲心腹。設險猶可存。當無賈生哭。

巫峽

三峽七百里。唯言巫峽長。重巖宥不極。疊嶂凌蒼蒼。絕

壁橫天險莓苔爛錦章入夜分明見無風波浪狂忠信
吾所蹈泛舟亦何傷可以涉砥柱可以浮呂梁美人今
何在靈芝徒有一作芳山空夜猿嘯征客淚沾裳

西陵峽

絕壁聳萬仞長波射千里盤薄荆之門滔滔南國絕楚
都昔全盛高丘烜望祀秦兵一旦侵夷陵火潛起四維
不復設關塞良難恃洞庭且忽焉一作然孟門終已矣自古
天地闢流爲峽中水行旅相贈言風濤無極已及余踐
斯地瓌奇信爲美江山若有靈千載伸知己

從軍行

烽火照西京心中自不平牙璋辭鳳闕鐵騎繞龍城雪

暗凋旗畫風多雜鼓聲寧爲百夫長勝作一書生

劉生

卿一作鄉

家本六郡年長入三秦白璧酬知己黃金謝主人

劍鋒生赤電馬足起紅塵日暮歌鐘發喧喧動四鄰

○ 驄馬

驄馬鐵連錢長安俠少年帝畿平若水官路直如弦夜
玉敗車軸秋金一作風鑄馬鞭風霜但自保窮達任皇天

出塞

塞外欲紛紛

一作紛

雌雄猶未分明堂占氣色華蓋辨星文

二月河魁將三千太乙軍丈夫皆有志會見

一作是

立功勲

有所思

賤妾留南楚。征夫向北燕。三秋方一日。少別比千年。不
掩嘖紅縷。無論一作能數綠錢。相思明月夜。迢遞白雲天。

梅花落

窗外一株梅。寒花五出開。影隨朝日遠。香逐便風來。泣
對銅鈎障。愁看玉鏡臺。行人斷消息。春恨幾裴回。

折楊柳

邊地遙一作迷無極。征人去不還。秋容凋翠羽。別淚損紅顏。
望斷流星驛。心馳明月關。葦砧何處在。楊柳自堪攀。

紫騮馬

俠客重周遊。金鞭控紫騮。蛇弓白羽箭。鶴轡赤茸鞬。發
跡來南海。長鳴向北州。匈奴今未滅。畫地取封侯。

戰城南

塞北途遼遠○城南戰苦辛○旂一作幢如鳥翼○甲冑似魚鱗○

凍水寒傷馬○悲風愁殺人○寸心明白日○千里暗黃塵○

送臨津房少府

岐路三秋別○江津萬里長○煙霞駐征蓋○弦奏促飛觴○
樹含斜日○池風泛早涼○贈言未終竟○流涕忽沾裳○

送豐城王少府

愁結亂如麻○長天照落霞○離亭隱喬樹○溝水浸平沙○
左尉才何屈○東關望漸賒○行看轉牛斗○持此報張華○

送鄭州周司空

一作司空功

漢國臨清渭○京城枕濁河○居人下珠淚○
一作泣賓御促驪歌○

望極關山遠。秋深煙霧多。唯餘三五夕。明月暫經過。

送梓州周司功

御溝一相送。征馬屢盤桓。言笑方無日。離憂獨未寬。舉
杯聊勸酒。破涕暫爲歡。別後風清夜。思君蜀路難。

送楊處士反初卜居曲江

雁門歸去遠。垂老脫袈裟。蕭寺休爲客。一作相曹溪便寄家。
綠琪千歲樹。黃槿四時花。別怨應無限。門前桂水斜。

途中

悠悠辭鼎邑。去去指一作拒金墉。途路盈千里。山川亘百重。
風行常有地。一作隊雲出本多峰。鬱鬱園中柳。亭亭山上松。
客心殊不一作未樂。鄉淚獨無從。

○送劉校書從軍

天將下三宮。星門召一作五戎。坐謀資廟略。飛檄佇文雄。
赤土流星劍。烏號明月弓。秋陰生蜀道。殺氣繞湟中。風
雨何年別。琴尊此日同。離亭不可望。溝水自西東。

遊廢觀

青嶂倚丹田。荒涼數百年。猶知小山桂。尚識大羅天。藥
敗金爐火。苔昏玉女泉。歲時無壁畫。朝夕有階煙。花柳
三春節。江山四望懸。悠然出塵網。從此狎神仙。

和石侍御山莊

煙霞非俗字。一作排俗景巖壑只幽居。水浸何曾畝。荒郊不復
鉞影濃。山樹密香淺。澤花疎。濶塹防斜徑。平堤夾小渠。

蓮房若箇實竹節幾重一作竿虛蕭然隔城市酌醴焚枯魚

送李庶子致仕還洛

此地傾城日由來供帳華亭逢李廣騎門接邵平瓜原
野煙氛匝關河遊望賒白雲斷巖岫綠草覆江沙詔賜
扶陽宅人榮御史車灞池一相送流涕向煙霞

早行

敬朗東方微闌干北斗斜地氣俄成霧天雲漸作霞河
流纔辨馬巖路不容車阡陌經三歲閭閻對五家露文
沾細草風影轉高花日月從來惜關山猶自賒

和崔司空傷姬人

昔時南浦別鶴怨寶琴弦今日東方至鸞銷珠鏡前水

流銜砌咽月影向窗懸妝

一作粉

匣懷餘粉

一作淚

薰爐滅

一作滅

舊

煙晚庭摧玉樹寒帳委金蓮佳人不再得雲

一作白

日幾千

年

和竊右丞省中暮望

故事閒臺閣仙門藹已深舊章窺複道雲幌肅重陰
玄律葭灰變青陽斗柄臨年光搖樹色春氣繞蘭心
風響高窗度流痕曲岸侵天門

一作民

總樞轄人鏡辨衣簪日暮

南宮靜瑤華振雅音

和酬號州李司法

唇齒標形勝關河壯邑居寒山抵方伯秋水面鴻臚
君子從遊宦忘情任卷舒風霜下刀筆軒蓋擁門閭
平野

芸黃遍長洲鴻雁初菊花宜泛酒蒲葉好裁書昔我芝
蘭契悠然雲雨疎非君重千里誰肯惠雙魚

和鄭讐校內省眺矚思鄉懷友

銅門初下辟石館始沈研遊霧千金字飛雲五色牋樓
臺橫紫極氣作城闕俯青田暄入瑤房裏春回過作玉宇前
霞文埋落照風物色作澹歸煙翰墨三餘隙關山四望懸
顏峰風作睽酌羽流水曠鳴絃雖欣承白雪終恨隔青天

和旻上人傷果禪師

淨業初中日浮生大小年無人本無我非後亦非前簫
鼓旁喧地龍蛇面映一作天法門摧棟宇覺海破舟船書
鎮秦王餉經文宋國傳聲華周百億風烈被一作三千華

沒青園寺荒涼紫陌田德音殊未遠拱木已生煙

和劉侍郎入隆唐觀

福地陰陽合仙都日月開山川臨四陰城樹隱三臺伏
檻排雲出飛軒遶澗回參差凌倒影瀟灑軼浮埃百果
珠爲寶羣峰錦作苔懸蘿暗疑一作凝霧瀑布響成雷方士
燒丹液真人泛玉杯還如問桃水更似得蓬萊漢帝求
仙日相如作賦才自然金石奏何必上天台

和輔先入昊天觀星瞻一作占

遁甲爰皇里星占太乙宮天門開奕奕佳氣鬱蔥蔥碧
落三乾外黃圖四海中邑居環若水城闕抵新豐玉檻
崑崙側金樞地軸東上真朝北斗元始詠南風漢君祠

五帝淮王禮八公道書編一作藏竹簡靈液一作藥濯梧桐草茂

一作雙

瓊階綠花繁寶樹紅石樓紛似畫地鏡森如空桑海

年

一作中

應積桃源路不窮黃軒若有問三月住

一作往

崆峒

和劉長史荅十九兄

帝堯平百姓高祖宅三秦子弟分河岳衣冠動縉紳盛

名恒不隕歷代幾相因街巷塗山曲門閭洛水濱五龍

金

一作友

一子玉爲人寶劍豐城氣明珠魏國珍風標自

落落文質且彬彬共許刁元

一作陶玄亮

同推周伯仁石城俯

天關鍾阜對江津驥足方遐

一作馳

狼心獨未馴鼓鼙鳴

九域風火集重闔城勢餘三板

一作版

兵威乏四鄰居然混

玉石直置保松筠耿介酬天子危言數賊臣鍾儀琴未

奏蘇武節猶新受祿寧辭死揚名不顧身精誠動天地
忠義感明神怪鳥俄一作來垂翼修蛇竟暴鱗來朝拜一作報休
命述職下梁一作岷善政馳金馬嘉聲繞玉輪三荆忽有
贈四海更相親宮徵諧鳴石光輝掩燭銀山川遙滿目
零露坐沾巾友愛光天下恩波浹後塵懦夫仰高節下
里繼陽春

夜送趙縱

趙氏連城璧由來天下傳送君還舊府明月滿一作照前川